





1737, 11

FACULTATIS JURIDICÆ  
DECANVS,  
CONR. WILHELMVS  
Strecker/ JCTVS,

PRÆLAUDATÆ FACULTATIS ET JUDICII  
ELECTORALIS PROVINCIALIS ASSESSOR, PROFES-  
SOR COD. PVBL. ORD. CIVITATIS SYNDICVS,  
ET CONSVL PRIMARIVS,

AD

AVDIENDAM LECTIONEM CURSORIAM

*ad L. Questionem fin. C. de fideicomm.*

ET

DISSERTATIONEM INAUGURALEM

*AD DIEM XVI. MAJI, MDCCXXXVII.*

LECTOREM BENEVOLVM  
PERHVMANITER INVITAT.

---

ERFORDIÆ,

Typis JOHANNIS CHRISTOPHORI HERINGII,  
Acad. Typogr.





**Q**Um non solum leges nostræ civiles, sed & ipsum jus naturæ, omniumque cultiorum gentium instituta & mores, nihil magis moribundis deberi statuunt ac velint, quam ut supremæ voluntatis, postquam jam aliud velle non possunt, de rebus suis propriis ac pleno jure possessis, quarum liberi hæctenus fuere moderatores & arbitri, & adhuc dum sunt eo temporis articulo, quo ultimam animi sui sententiam de eo, quod post dura mortis fata fieri exoptant, declarant, per omnia liber sit stylus, ratumque & inviolabiliter & sanctè servandum, quod iterum non redit, de iis expositum arbitrium. *L. i. C. de SS. Eccles. L. i. ff. qui test. fac. poss.* ac integrum cuilibet sit, demereri sibi ab aliis officia exhibita, compensare beneficia in se collata, dignari aut hæredis, aut legati vel fideicommissi titulo illos, quos vel etiam suos, puta uxorem vel liberos, sincerâ affectione complectitur, & id de se vel verè vel imaginariè meruisse existimat, uno verbo, liceat cuique de suis disponere pro lubitu & hæredem aut legatarium vel fideicommissarium scribere, in quem mentis suæ tendit inclinatio libera. Adeoque continuis precibus, flagitationibus, clamoribus ac persuasionibus per se aut personas intermedias adhibitis, quibus testator fatigatus, ut tandem pertusus atque se à molestiis liberaturus hæredem vel legatarium faciat, demum

demum extorta, aut suggestionibus vel intempestivis inter-  
rogationibus, aliisque artibus captatoriis illicitis, per quas  
non tam testatoris, quam potius alieni animi sententiam  
exprimere inductus est, extracticata voluntas, ex testamen-  
to relicta, corrumpere facit. LEYSER. *Vol. 6. Specim. 381. medit. §.*  
*§. 99.* Modis, quibus hereditas deferretur, aut legata vel fidei-  
commissa relinquuntur, cum satis noti sint, non immorabor,  
illud saltem attingam, quod numerus testium ad legata &  
fideicommissa in testamentis extrajudicialibus non privile-  
giatis constituenda, sit quinquarius, nisi defunctus etiam sine  
scriptura cum herede presente egerit, eique fideicommissum  
præstandum demandaverit, utpote quod sine ullis testi-  
bus subsistit, *L. fin. C. de fideicommissis.* quia tali in casu testator  
heredem in propria causa constituit testem, & si heres forte  
neget fideicommissum à defuncto relictum, id ipsum autem  
quis suspicatur, etsi nec quantitatem indicare, nec suspicio-  
nis suæ argumenta afferre possit, tamen heredi juramen-  
tum recte defert, quoniam sufficit, si petens sese offerat ad  
juramentum calumniæ, quæ oblatio instar probationis esse  
videtur; obijciunt quidem aliqui, libellum in quo nihil certi  
petitur, non sustineri, propterea vagam jurisjurandi dela-  
tionem rejiciendam esse; Verum, si quantitas incerta sit, li-  
bellus generalis sustinetur *L. 1. §. 40. ff. de pos. & juramentum*  
*in casu presenti deferendum, aliud non est & consideratur,*  
*quàm jusjurandum editionis aut manifestationis, quod in*  
*maxima incertitudine, præstito juramento de calumnia, ad-*  
*mittitur. L. 6. §. 2. §. 9. §. 3. ff. de edend.* Varia autem ad le-  
gata & fideicommissa persequenda in jure nostro prodita  
sunt remedia, nempe actio ex testamento, rei vindicatio, si  
species fuerit legata, & actio hypothecaria. Sed an etiam  
legatario & fideicommissario particulari competat remedium  
ex *L. fin. C. de Edict. D. Hadriani toll.* acriter disputatur inter  
Doctores. Negant multi, ex quibus ENGELBRECHT. *ad tit.*  
*ff. quorum bon. §. 16. STRYK. U. M. ff. eod. §. 7. MEV. p. 1. de-*  
*cif. 97. MENOCH. adipisc. poss. remed. 3. n. 133. COLER. de pro-*  
*cess. execut. p. 3. C. 2. n. 32. FACHIN. lib. 5. contro. 31. HEIG.*  
ad

ad §. 2. n. 23. *I. de legat. KÖPFEN. lib. 1. Q. 155. n. 14. seqq.* his potissimum rationibus moti, quia dictum remedium *L. fin.* conceptis verbis de hærede instituto loquitur, quæ verba, cum non conveniant legatario & fideicommissario, etiam dispositio convenire non debet, & remedium possessionis hoc non habet locum, si extet contradictor *d. L. fin.* sed legatarius s. fideicommissarius semper habet contradicto rem hæredem, deinde æquissimum est, ut legatarius ex manu hæredis causam possessionis petat. §. 1. *I. de legat. L. 1. §. 2. ff. quod legat.* cum hæredi beneficium immissionis ideo detur, quia vicem defuncti sustinet, creditoribus satisfacit, onera ipsi incumbunt, actiones exercet & excipit; omnia hæc secus se habent in legatario seu fideicommissario, propterea ratio festinandæ ad possessionem in eo cessat. PERETZ. *ad C. tit. de Edict. D. Had. toll. n. 6.* Econtra probabilius plurimi affirmant, ex quibus JASON. *ad L. quæ de legato n. 5.* BOER. *decis. 295. n. 12.* NATTA *tom. 1. Conf. 206. n. 4.* SICHARD. *ad D. L. fin. n. 12.* MYNSING. *Cent. 5. O. 61. n. 6.* HEIG. *sibi contrarius p. 2. q. 7. n. 39.* BRUNNEMANN. *ad d. L. fin. n. 21.* BESOLD. *Vol. 4. Conf. 157. n. 13.* LAVTERBACH. *in Conf. Tubing. noviss. Vol. 2. Conf. 134. n. 4.* LEYSER. *Vol. 4. specim. 381. medit. 4.* & passim alii, quia à principali nempe testamento ad accessorium nempe legatum beneficium *d. L. fin.* datur hæredi universali; ita utile ex æquitatis interpretatione potest intentari pro legato aut alia re singulari, favorabiles enim sunt legatarii & semper & ubique legata favorem connexum habent. TREYTLER. *Vol. 1. Conf. 5. n. 35.* & licet legatarius tria jam habeat remedia, hoc tamen remedium utilius, pinguius, adeoque plenius & celebrius alicui providet, insuper licet directum ex verbis legis non detur, datur tamen utile, quia legatarius in re legata quodammodo quasi hæres est *L. 14. §. 1. ff. de usucap.* atque hoc remedium non quilibet contradictor impedit, sed ille, qui rem ex titulo possidet, & exceptionem oppositam in continenti probare potest, quæ vero altio rem indaginem difficilemque dijudicationem requirit, non est attentenda.

RICHTER. *ad L. fm. l. n. 227.* deinde legatum petitur in regula ab hærede, cum non sit occupandum propria auctoritate, sed si hæres tergiversetur, officium iudicis pro celeri immisione decernenda imploratur, & quia testator & hæredi & legatario prospicere voluit, hic æquè ac ille ad adipiscendam possessionem festinare poterit. Ex quibus ulterius fuit, quod legatarius ex testamento nullo vitio visibili laborante executive recte agere possit. CARPZ. *p. 3. C. 13. def. 35.* LAVTERBACH. *cit. loc. n. 5.* LEYSER. *cit. loc. mediet. 5.* FINCKELTHAVS. *O. 121. n. 16. seqq.* circa quam materiam publice ex cathedra fufius discurret

NOBILIS ET CLARISSIMVS  
DOMINVS  
JOANNES FRIDERICVS  
MERCHELL,

Natus is Schmalcaldia die 12. April. An. MDCCXII. parentibus piis & honestis Patre nimirum Viro Prænobili, Amplissimo & Consultissimo Dn. SALOMONE CHRISTOPHORO MERCKELIO, J. U. Doctore, Civitatis modo memoratae Consule & Syndico, nec non Advocato Ordinario, Matre vero Fœmina virtutibus sexum suum ornantibus valde conspicua, CHRISTINA ELISABETHA, Viri integerrimi Dn. JOH. SEBASTIANI HVNEFELDII, Hereditarii quondam in Niederschmalcaldia ac Mercatoris Schmalcaldensis filia primogenita. Hi parentes optimi (quos benignissimum Numen per quadraginta & unum annum durante matrimonio in hunc usque diem salvos servavit, usque porro diu salvos servet, Candidatus pie precatur,) primam curam in id intenderunt, ut lavacro generationis initiaretur. Postea, quamprimum ætas permisit, curæ atque Informationi privatae præceptorum quorundam domesticorum eum demandarunt & succedentibus



tibus annis in Scholam patriæ publicam miserunt, in qua  
sub ductu Rectoris Dn. JOH. TOBIÆ CLEMENS  
beatæ memoriæ literarum fundamenta ex voto posuit. Sed  
jactis hoc modo fundamentis latinæ ad altiora adspira-  
bat, hinc adiit parentes suos suavissimos, & ut sibi potesta-  
tem frequentandi Gymnasium Illustre Coburgense ad exem-  
plum filii primogeniti facerent, ea, quæ filium decet, mode-  
stia petiit, moxque petiti sui compos factus est; Certe gra-  
tissima mente Candidatus recolit, quâ fideli Institutione &  
manu ductione ibidem usus sit Doctissimorum Dn. Professo-  
rum, Dn. Professoris GILNTEIM, J. U. Doctoris, & Dn.  
Professoris JOH. CONRAD SCHWARTZII, Theo-  
logiæ Licentiatæ, & aliorum, quibus ducibus non tantum  
humaniora styllumque latinum porro excoluit, sed etiam Phi-  
losophiæ & Juris principia nota sibi reddidit, ita ut elapso  
biennio dignus judicatus sit, qui Academica tractaret. Hinc  
Lipsiam in Saxonia Jussu patris sui recessit, ubi die 27. O-  
ctobr. MDCCXXXI. sub Pro-Rectoratu Dn. Doct. HEIN-  
RICI Klause, S. Theologiæ Professoris publ. in nume-  
rum civium Academicorum adscriptus est, in felici profes-  
sione studiorum manus auxiliatrices Illi præbuerunt viri in  
orbe literaria satis celeberrimi & doctissimi Professores &  
Doctores, scilicet MULLER, FRANCKENBERG &  
HACK, apud quos Collegia ad Pandectas, Introductionem  
Puffendorffii ad Historiam Universalem & Institutiones Ju-  
ris frequentavit, cum ibi per biennium commoratus esset,  
non sine fructu patriam repetiit & deinceps parente sic  
mandante Erfordiam profectus est, ubi studiosorum matri-  
culæ inscriptus studium suum Juridicum ita audiendo in Ju-  
ris & Philosophiæ scientia viros præstantissimos Dn. Profes-  
sorem MOTSCHMANNVM in suo Collegio super Puf-  
fendorffii tractatum de officio hominis, Dominum Docto-  
rem JOH. GEORGIVM RVMPELN in Collegio ad  
Institutiones Juris, & Dominum Doctorem SCHÜTTIVM  
ad Pandectas ad finem perduxit, quibus absolutis in patriam  
recessit. Abinde ad nos reversus petiit ab Ordine nostro  
ad-

admitti ad examen Doctorandorum rigorosum, petitioni  
ejus annuimus, ac textus ex utroque jure pro more elabo-  
randos communicavimus, quos resolvit, & ita in ipso exa-  
mine respondit, ut eum ad reliqua specimina, puta, lectio-  
nem cursoriam ad *L. fin. C. de fideicom.* & Disputationem  
Inauguralem

DE

## INCENDIIS

admiserimus. Ad quos Actus solennes Magnificus Uni-  
versitatis Rector cum Proceribus & Studiofis perhumani-  
ter invitatur. Publicatum sub Sigillo Facult. Juridicæ die  
12. Maji MDCC XXXVII.



W18

ULB Halle  
002 490 110 3



Sb. f





1737, 11

FACULTATIS JURIDICÆ  
DECANVS,  
CONR. WILHELMVS  
Strecker/ JCTVS,

RÆLAVDATÆ FACULTATIS ET JVDICII  
LECTORALIS PROVINCIALIS ASSESSOR, PROFES-  
SOR COD. PVBL. ORD. CIVITATIS SYNDICVS,  
ET CONSVL PRIMARIVS,

AD  
AVDIENDAM LECTIONEM CVRSORIAM  
*ad L. Questionem fin. C. de fideicomm.*

ET  
DISSERTATIONEM INAUGURALEM  
*AD DIEM XVI. MAJI, MDCCXXXVII.*

LECTOREM BENEVOLVM  
PERHVMANITER INVITAT.

---

ERFORDIÆ,  
Typis JOHANNIS CHRISTOPHORI HERINGII,  
Acad. Typogr.

